

松江府志卷七十六

名蹟志

寺觀

金山縣

法忍教寺

在朱涇卽船子和尙覆舟處唐咸通十年建

本名建興院宋治平元年賜今額元季燬洪武十二年

僧本一重建崇禎中程肇光倡修

國朝康熙間重建天空閣閣前殿爲船子道場石晉桑維

翰書額乾隆初僧際濬修工未竣十三年僧平浩續成

之并重建山門門有法忍寺額宋米海嶽書嘉慶五年

松江府志

卷七十六 名蹟志

寺觀下

僧顯海先後募修寺有船子和尙夾山會禪師遺像魯

般殿推蓬室萬峯秋軒又有雨花堂一鳴白雲貫花堂

清幽閣野巢雲深處澄心堂手花齋香來閣竹深堂梓

園讀書處諸勝

宋釋智圓法忍寺結界記略元豐三年暮秋月望

子以衆命結界負錫至此攷其創置之始而古無傳

記惟石幢所載乃唐咸通十年立也又尋井闢題記

仍有會昌之號疑古利被廢至咸通復興耳舊名建

興今朝治平中易爲法忍前住持不得其人零落已

甚今惟秀力勤營治漸復完密又謂僧居不結界則

和悅院衆面闡斯法利至於立標分相集僧唱結皆

幸無疑焉

釣灘處題詠見古蹟

西亭蘭若 船子和尙維

宋林希逸遊記西亭者構李僧若圭所建也其地則

船子誠師游歌舊處也圭宗天台之學而慕船子高

風卽其故地作爲此亭聚羣衲講誦其間冀一遇如

船子者焉四方聞而高之爲歌咏者甚衆而圭猶將

有記焉師之本末矣師蜀人也所以慕於師者何蓋

葉山之道晚節游吳寄以葉舟往來華亭三十年盡

歌詩時以唱晚節游吳寄以葉舟往來華亭三十年盡

也其意屬之道吾道吾指夾山卽江次高如圭之語

而契乃其意屬之道吾道吾指夾山卽江次高如圭之語

山學屈原何以哉嗟夫學伯夷之清者不必皆餓於西

以虛心則猶虛舟也船子之志故爲之記且書俾咏蒙其額咏

知所以傳則夾山未死也船子何人者余素愛船子

之歌而亦與圭之志故爲之記且書俾咏蒙其額咏

外景定三年九月

松江府志

卷七十六 名蹟志

寺觀下

高儀甫詩松澤亭前山色幽朱涇渡口荻花秋

鉤三尺無人會一櫂東西卻未休野水閒雲無定

蹤一生空櫂月明中錦鱗纔得翻船去堪笑家風徹

底窮一劈口兩橈無定法點頭三下不容聲謝師付

授從今一了兩風流畫不成隔水遙山數朶青送

人依舊泊閑亭此舟未信無重過門枕蘋汀夜不扁

推蓬室 元僧明

宋趙孟堅寺門夜泊詩秋泊禪扉夜清吟入興頻

風生水鱗甲雲放月精神禪有機鋒祕詩無句法漸

舊題尋不見吹簫壁間塵

明袁凱登閣詩伍子行師日秦皇駐節辰英雄無

處所樓閣自天神白鶴晴沙散青山遠樹新那知千

載後樓閣

東林禪寺 在法忍寺東元至大初僧妙因建本名觀音

堂皇慶元年改額爲寺明初僧至益重建

國朝乾隆中陳克己等重建三股嘉慶十年僧漪雲重修

蓮月軒

元陶宗儀詩序蓮月軒在東林寺為矩上人賦鑿沼栽蓮半畝強開軒數席任端相從來水月真靈境化出匡廬古道場兔影淡龍銀臺淨冰輪清碾玉簪香要知影色皆為妄本性圓明意味長

太平興國禪院 在胥浦南宋紹興二年僧曇無竭建元

燬至正甲申僧潤玉隱建於浦北寺有松風閣僧元鎮建

澄鑒禪寺 在泖橋唐天寶六年僧隆建後燬於兵宋僧

本一淨慧重建明萬歷間僧筠所果林重修復購香印

齋清音堂寮宇幽潔頗稱勝地

松江府志

卷七十六 名蹟志

寺觀下

明陳繼儒重修記略 澄鑒寺與朱涇風涇東西相望前後皆空水而有甫田居其中溝塍環而於四旁柳橋橫闌於其上今橋圯不可行獨僧寮佛閣露於菰蒲竹樹之間景幽地僻遊人未嘗過而問焉寺建於唐天寶六年僧隆所建而重修者宋本一師人明至嘉靖寺類僧筠所果林二公至奮土葺草募修四殿後葺靜室栽蔬種竹稍有一枝之安日諷誦水聲中絕不與世緣相附麗余聞其鐘鼓分明又見其僧儼嚴肅就之談無塵土粥飯氣散日此浮屠中避世隱君子也因泛月放櫂聽雨連牀慨然想慕有寺中本色道人可與作無生話耳因相與商略指點漸次整頓之緣榆陰透迤而入為山門額曰泖上第一山額曰大雄寶殿供如來應真經東南實一門額曰小補陀其內曰大參同曰觀音殿縣西北殿一門額曰收綸禪又寶一門曰清音堂清音堂之後曰竹君堂竹君堂之左曰香印齋香印齋之左曰竹篠東偏其他靜照軒挂笠軒庵漏場圖之屬不勝紀東南竹屏濱水而居舍後登者自此始曰渡錫渡錫而外無

橋可接無城市村落人往來其地以水勝以月勝以竹勝其僧以戒律勝以詩畫勝以幽淡枯寂勝其內外勝書以剛峯海中丞元美王司寇荊石王文肅思白董宗伯凡夫趙徵君署題勝此皆緣主僧上美而下孝前恭而後儉好莊嚴聖像門庭而不好私藏好文好潔而不好求人知故士大夫樂與之遊顧其地綠淨不致唾入其室如草衣木食之高流動色相敬周旋徒倚而不忍違舍去也今筠所梵儀果林已供影堂而諸弟子念其權輿之所自如燕壘如蠶宮辨泥撮土一從口血銜掇中來廢刹中興厥惟艱哉後之繼者辛勤善守之此寺世世不朽矣

興塔禪寺 在泖橋西卽宋興塔院創建無攷治平中僧

慧月重修紹興四年賜額

宋黃英復蓮社記略 興塔院乃治平初海慧月禪師重修祈禱道場屢有感應紹興間奉敕立額僧師展主之澹軒居士盛熙創建嚴堂等屋傲廬阜作蓮社會寶慶丁亥忽遭震凌掃蕩幾盡進士盛熙朝士

松江府志

卷七十六 名蹟志

寺觀下

諸友增究心經畫改建法華經會同邑李塔隱進士錢相印施蓮經六十部供檢楊萃裝采普賢菩薩聖像及寶塔一所淳祐九年鄉進士朱洪又約同志各助錢置租命寺僧清了道芳主之鐫石以垂不朽求子紀實繼是入社者盡相與勉之淳祐十二年歲次壬子三月三日

慈濟院 在海中金山絕頂宋元豐間僧惠安建紹興元

年賜額

清庵 在呂巷宋紹興三年建明成化間改名圓通庵萬

歷六年里人吳丕顯重修僧慧空清月復建觀復堂

廣福寺 在張涇堰宋嘉熙間建明隆慶年邑人吳梁修

榜其門曰赤松舊地

無住庵 在胥浦上元至元間僧古心鑑建有半雲軒楊

維楨有記今圯

淨土庵 在呂巷元至正三年建明萬歷十五年里人吳丕顯重建

松隱庵 在府南二十七里元至正間僧德然因參石屋琪琪屬然曰子緣在吳松爲書松隱二字遂來此結茅而居足不越閭者三歲里人山子才等割地建庵庵有雨華軒有寶塔與興聖西亭李塔相望

元王逢詩 一片流泉寫玉虹九山峯繞梵王宮雨餘清氣來天上風定鳥聲入座中松葉畫昏雲欲合藤花雪白徑微通老僧與我君親念一卷琅函各太空

仁壽禪寺 在查山元至正間僧若思重建趙孟頫書額

松江府志

卷七十六

名蹟志

五

寺觀下

今額董其昌書

國朝康熙五十六年里人施德周募修寺有香花池遇旱不竭銀杏二株最古元末名臣潘景安葬此

保泰庵 在衛城西門內明洪武初建舊名報恩院爲本

衛祝釐之所嘉靖開燬於倭天啓二年里人楊泗重建

王庭梅有記

國朝康熙辛未泗孫慎德移建城西門內

萬壽寺 在秦山明成化中巡撫畢亨築海塘耆民吳克

平獨築一百四十餘里亨嘉其義以秦山及繞山諸河給牒歸之以酬其力克平因立祠祀亨後祠廢改爲寺

國朝康熙中里人孫南如重建雍正中僧牧心修

大師庵 在五保俗呼太史庵明隆慶中姚氏建

國朝康熙中編修姚宏緒修有記

小補陀 在干巷東明萬歷中邑人曹蕃建僧寂空開山

王昶有記

心庵 在呂巷東明天啓七年邑人吳煒建陳徵君繼儒

題額曰心佛常如

明發禪院 在南陸相傳其址卽元邵天驥舊宅明崇禎

中孝廉姚世曙建

國朝順治間爲百癡元禪師道場

松江府志

卷七十六

名蹟志

六

寺觀下

大悲庵 在呂巷一名慈庵明崇禎十年僧觀茲建

國朝乾隆六年僧成裕修

六里庵 在張涇鎮

樵隱庵 在三保康熙四十四年

聖祖仁皇帝南巡駐蹕松城

召僧行瀾

賜禪林宗宿扁額對聯石刻經卷四十八年提督師懿德

建

御書樓

靜山庵 在柘山北其始係張氏家庵康熙初有僧師眼

者募修題曰靜山庵王農山致仕家居嘗遊憩於此爲書仁智流輝扁額楊履基有記

相舟庵 在五保乾隆五十六年邑中宋龐氏建助田二十三畝八分

尼寺

墨花庵 在干巷里人裴明甫捨宅建

道觀

明真道院 在朱涇鎮元泰定中里人陳元鼎建明嘉靖間燬於倭尋改建

國朝乾隆十四年重修

松江府志

卷七十六 名蹟志

七

寺觀下

永壽道院 在干巷鎮宋寶慶間道士張清隱建明洪武

初重修有五雲閣煙蘿窟諸勝萬歷間道士沈儀卿楊士楨建梓潼閣陸樹聲記

應奎道院 在呂巷鎮相傳其地爲元季呂良佐別墅嘗

舉應奎文會於此故名雍正中里人諸詒光助田以資常住

上海縣

觀音禪寺 在縣西宋崇寧元年建請額淳熙三年參政錢良臣請賜功德院因賜額爲觀音慈報禪院僧覺印開山元燬明洪武十六年僧性重建改今額前有嘉林

後有萬工山萬工所成占地數畝今夷爲田其陂陀古柏猶遺址也

國朝乾隆五十年里人陸南謬倡捐僧隆山募修大殿

明教諭尹如恢寺記略 觀音寺在上海縣西十八里時有觀音聖像浮海而來咸異之錢參政良臣捨贊創於宋崇寧年爲縣禪宗首刹元季兵燹廢爲瓦礫洪武壬戌僧會本源性公與其徒紹一募建法堂殿前觀音像流寓九峯間見夢於性舟載以復明年募殿東西廡法輪寶藏甲戌縣尹張守約捐貲建大佛殿丁丑買民房建天王殿及山門庚辰知縣尹杜鑑復營香積廚自後法堂鐘樓以次而舉像設旛蓋靡不悉備一師自受戒具衣不緇糲食不重味偕耆舊紹圖惟昔等誓葺斯寺以畢其師之志二十餘年地得以復其勝教得以宏其化創業垂緒因果無量是宜書之以示諸後時永樂甲申十月

法華禪寺 在觀音寺東宋開寶間僧慧建元至大初僧

松江府志

卷七十六 名蹟志

八

寺觀下

慶重建後廢明洪武間僧善達復新之崇禎末里人夏若時僧羅筏又修佛閣

國朝順治初重修乾隆三十六年住持募修五十五年住

持重修

明釋心泰記略 法華寺在邑治西一十八里宋開寶間僧慧爲開山第一代元至大初雲翁慶禪師大振之爲茲山中興之祖趙文敏公塔海道千戶費雅佐之甚力首建大雄殿趙公書額普應國師中峯和尚三過其寺後以寺田多困徭役僧皆散去沙門善達乃以寺田數十頃悉與佃戶故寺無一廢之土庭無一吏之迹屋廢者漸興僧散者復集甍櫺棟橈者易以堅木萬瓦鱗集四檐翬飛安藏之殿轉法之輪售於人者曠之先是甲乙茲山洪武二十四年清理佛教立爲西方禪林請一公象先董其事三十年天台沙門智勇棒檄出住茲山善達念無以延住持造方丈以居之無堂以集雲水建僧堂若干楹

以棲之達倦於事通屬其孫如鏐以代鏐贊住山如
其祖凡叢林所宜有者悉備達以儉約自持護常住
物如已費專修淨業臨終念佛泊然而逝洪武三十
五年夏五月也號西源上人俗姓金十歲從僧叔
能公出家茲寺久之首徵於上天竺復回松之延慶
為第二座云鏐蘇人今住山智勇號無敵昔掌竺墳
於中天竺為白雲禪師說公之嗣其住法華也初獲
西源力贊繼獲如鏐股肱故能建諸堂宇輪奐一新
永樂癸未達孫維箕募諸施者範銅為鐘以剖昏曉
無敵以狀至峯頂乞文遂為之記永樂四年歲在丙
戌三月

積善講寺 在縣治西北宋紹興閒里人李阡夢金人乞

坐地遂捨宅為精舍其孫師立主之元至大閒有番賈
航海南來拜師立道上云慕師高德以貨寶一巨艘施
之不通姓名而去遂拓舊規請額為積善院明成化閒

松江府志 卷七十六 名蹟志 九 寺觀下

僧大言重修大殿復建海會堂

國朝乾隆十六年僧佛音重修嘉慶六年巡道李廷敬增
建十四年又修為祝

釐習儀之地僧會司在焉

南積善教寺 在十七保宋紹興戊寅僧師淨建明景泰
閒僧善暉邑人談景暉等捐建大殿禪堂僧舍

國朝乾隆四十八年僧福緣募修

宋高子鳳記略 西林去邑不十里東越黃浦又東
而匯北其南抵周浦皆不及半舍寺之在周浦者曰
永定在黃浦者曰寧國而西林居其中蓋所謂江浦
之聚也里故無寺紹興戊寅有比邱師淨行化愛止
請於通功劉均及長者孫氏得地百畝創庵以憩淳
熙閒法堂方丈齋廬庫藏輪奐一新嘉定初又得承

定七古佛就供堂上先是淨夢白蓮七枝擢秀於堂
之所為瑞相擬作大殿其徒道暉嗣之因徐昌純
葉純裕為大檀越鳩材庀工卒成師志以奉所得七
佛者前夢至是符焉暉之法兄道全又致葉君亨珙
營繕輪藏飾以眾寶載三乘法巨鋪範金華鯨肖桐
符錢唐諸善寺暨額甲乙焚修式延雲水而淨之派
孫文曉復募善寺暨額甲乙焚修式延雲水而淨之派
寧國鼎峙而立嘻盛矣三世協勤四檀委輸載祀九
十厥有成績有可尚者故因偉請誦言以遺之淳祐
庚戌十月既望

靜安教寺 在滬瀆按寺記吳大帝赤烏中建號滬瀆重

元寺佛法入中國雖始於漢而吳地未有寺也赤烏十
年康僧會入境孫仲謀始為立寺建業曰建初建初者
言江東初有佛法也豈滬瀆寺相繼創建耶釋迦方志

松江府志 卷七十六 名蹟志 十 寺觀下

云晉建興元年有二石像浮於吳松江口吳人朱膺等
迎至滬瀆重元寺像背題曰維衛曰迦葉松陵集建興
元年漁者於滬瀆沙汭獲石鉢以為白類葦而用之佛
像見於外漁者異之乃以供二聖今佛與鉢皆在平江
開元寺有毘盧遮那佛吳越王瑜伽道場像佛五藏皆
書錢氏妃嬪名氏後改永泰禪院宋祥符元年改今額
嘉定中遷蘆浦有赤烏碑陳朝檜講經臺鰕子潭涌泉
綠雲洞與滬瀆壘蘆子渡為八詠元明以來屢修屢圯
國朝乾隆四十三年欽人孫思望倡捐重修

梁簡文帝石像碑略 吳郡婁縣界松江之下號曰
滬瀆有居人以漁為業者遙望海中若二人像浮沈

明神宗為海神吳縣華里朱膺清信士也與東雲寺
帛尼乘船至滬黃口頂禮皈依而靈相漸來就蒲仰
視神像背各有題一名維衛一名迦葉時衆踴躍得
未曾有豁爾騰舟望對門而一息膺家近通元寺乃
遷像於此寺

元周弼記略 華亭東北百里有寺在滬濱日重元
祥符元年因避諱改今額嘉定九年僧仲依以舊基
近江岸遷於蘆浦之沸井浜寺之靈驗最顯著昔西
晉建興元年有兩石佛浮於江浦吳縣人朱膺迎置
於寺視其背有銘蓋七佛中之二日維衛日迦葉後
六年漁者又獲兩石佛於沙際大如日維衛辛觸之則
變怪輒見因以為石像供具佛閣則因僧智嚴而立
儼有異行駭俗號鯢子僧常敏蒲草為萬餘繩挂諸
廊廡且曰吾將作大緣事繼即示寂人競樂施繩皆
滿足閣果成自石像遷於吳門開元寺而錢氏瑜伽
道場盧舍那寶像與雍熙宣和兩石佛屹然尚存
雙檜偃蹇如虬如鳳則魯望龔美之所題詠也
明朱豹詩 古刹乘閒到紅塵路已除洞門虛歲月
檀樹鎖煙霞 谷靜泉逾響山空日易斜坐聽清梵入
松江府志 卷七十六 名蹟志 寺觀下

落盡木

松江府志

卷七十六

名蹟志

寺

觀下

胡芳詩 翠微隱隱出層霄杖履來遊不憚遙冰柱
四檐晴作雨雪山一帶畫隨潮金鈴柳色藏高閣紅
愛梅花立短橋曉有流霞
駐顏色養生無意問王喬
釋犀照詩 摩空蕭寺見荒陬殿古僧殘夕照流明
月久虛雙檜影閑人海眼碧千秋

明心教寺 縣西南六十里後梁開平初都水使者錢綽

建按至元嘉禾志有僧通開山初名華嚴院宋治平二

年賜今額寺有石函觀音禱求響答及華嚴寶塔義虎

講臺古檜二本元豐年植至今存焉

國朝乾隆十二年修鐘樓四十年重建大殿嘉慶十年復
修

宋高子鳳石函觀音殿記略 淳熙間青龍鎮有畦
地為園者中廣丈許藝之不生觀之散流夜有祥光
上燭遂發之得大石函貯觀音像夾紵為質冠衣嚴
如楊枝淨瓶在左右手雲披月滿姿相殊特寺鄰沈
氏傾囊贖之奉安明心寺之西壇寶慶丁亥震風發
屋像失其蔽既而金采彰施僧了勝瞻仰欣慶有創
殿意適而未言一夕廚鑪自開像立於地莫審其故
以拊之既覺失疾所在於是罄貲締服而環珠者慈視
月泊九月畢工凡有禱祠靡不響答故為序次其事
淳祐庚戌三月

龍華教寺 在府東北八十里黃浦西龍華村吳越忠懿

王常夜泊浦上風雨驟至草莽閒祥光燭天鐘梵隱隱

詢其地古龍華寺基也遂命大盈莊務將張仁泰重建

僧筠開山宋治平初賜額曰空相西北隅舊有白蓮教

松江府志

卷七十六

名蹟志

寺

觀下

院前有寶塔時時放光至今存焉山門外有二井俗呼

龍井明嘉靖閒山門燬僧慧林重建萬歷閒詔頒佛藏

於諸名山僧達果疏請特遣中涓齋敕詣寺并賜達果

金環紫衣護藏慈聖太后復賜其徒理圓銀環紫衣護

藏如其師又賜範金千葉寶蓮毘盧佛一金采結旛十

丈并日月錦旛二錢銅器五敕賜大興國慈華禪寺後

正殿頽圯方伯張所望倡助成之明末善士陸益復捐

金修葺

國朝順治四年肅明宗禪師住持梵宇鼎新禪伯雲集復

成偉利康熙閒重修

唐皮日休詩 今市猶存古刹名車橋霜澤人行
尚嫌殘月清光少不見波心塔影橫
明錢溥詩 古刹荒煙雨中浮圖高插翠微重
巢鳥擇雲端樹翻譯僧敲飯午鐘香水傍橋春水淺
殘碑沒草綠昔登依興已情
陸深詩 六月龍華兩度游陸行騎馬水行舟風雲
塔院松將暝煙火村家夢已收病到靜餘初減藥望
窮天際更登樓桑榆苦愛
清江曲常懷山僧半日留

廣福講寺 在縣西石晉天福間建內有潘恭定祠

明徐汝翼記略 廣福禪寺也祠祀潘公者何其主
僧性通言日以報功也上海之有本寺創自石晉天
福中迨嘉靖三十五年島夷入江軍需告訕籌國者
議將東南寺觀鬻之以助計金若干公時鎮撫河南
命其仲子攜俸償直寺獲不毀頃年或尋前議又幾
不免公復命季子償之如初寺再獲存非公之所留
說今擬募建祠室繪公遺像奉祀其中乃公之伯子
倡率子弟輩捐貲相助經始於乙酉正月落成於十

松江府志 卷七十六 名蹟志 寺觀下

有一月堂凡三楹夾室二儀門一貯經有樓供祭有
庖燕享有序繚以周垣費錢若干緡擬鐫其事於石
敢再拜以請余惟恭定公地鍾人傑天挺名世歷官
四十餘年宦轍殆滿天下誠與才合惻惻無華而去
後留思往往出聲容氣韻之上蓋余嘗分臬大梁行
部禹州禹故公移守郡也謁其名宦祠則公之爵里
名氏在焉而勤勤以鄭子產黃次公與公並祠竊歎
彼都士論何其嚴且核哉而繁之他所敬歷其尸祝
更可也知已知鄉評推重近復列祀學宮奚有於廣
一祠也記曰有功德於民則祀之寺固民所藉以儆
福也幾廢而復存者再則建祠祀公亦輿情所快觀
爾夫汾陽錫像廣化增崇白傅縣真香山益勝茲立
公祠名當愈顯余不能
文為記歲月如此云

寧國寺 宋隆興元年僧昌月堂建時有張百五者家富

寺蓋其經始也乾道二年請額寺在烏涇之陽華上兩
邑之界與龍華南北相望殿前有羅漢松四枝幹森矗

古色蒼然萬歷丙寅張方伯所望復修竝建黃道婆祠
太平教寺 至元嘉禾志名 在二十三保宋太平興國間僧
及操舟雲游夜泊范家浜聞蘆葦間有鐘鼓音疑出梵
宇尋之無有後夜復然又見白光燭天發地得鐵佛一
因以建寺後燬於兵僧旻秋堂重建

國朝乾隆三十六年復建又廢嘉慶六年募建

南淨土講寺 在吳會鎮宋延祐中王晉公遠孫雲卿俗
稱王萬山者創建僧吉開山初名九品觀堂元大德中
改今額明宣德中燬正統初僧古田重建錢溥有記景
泰二年重建

松江府志 卷七十六 名蹟志 寺觀下

國朝嘉慶十六年住持永祥募修

安國講寺 在二十二保宋咸淳間建明洪武中僧紹宗
奉使廬山稱旨沒後賜祭有文立石後講堂燬僧普懋
重建更復寺基諸生王繼鑿助田八畝修葺佛像
帝敕庵 在十二保相傳吳孫皓時敕建

慶寧教寺 在二十二保南踰村宋建炎間僧圓募陳郡

馬建北礪有僧堂記後燬於兵元大德間重建

國朝雍正間僧香海募建乾隆四十五年修

西林懺院 在二十四保宋淳熙間僧文逸建

國朝康熙十一年僧元徹募里民張文魁修

南廣福寺 宋嘉泰間里人鄒運幹捨宅建俗呼鄒家寺

係德之有記寺臨黃浦浦自西流至此折而北

華嚴庵 在十六保宋寶慶元年建僧道安開山天啓間

張肇林修爲歸田讀書處金陵僧偏音住之僧一實重
裝佛像

立雪庵 在南門外宋時建後爲高昌廟

國朝雍正間曹炳曾修仍題舊額

曹炳曾記略 高昌廟者立雪庵故址離縣治四里
傍春申江歷宋元明至今七百餘載雖有失陳張三
姓樂助得不傾圮又經五十年毀至丹麓漸黯然色
改矣余命工匠葺之向缺東廡爲補構三楹以全一
庵之勝并替
舊額記之

松江府志

卷七十六 名蹟志

寺觀下

法華院 在縣東二十餘里元至正間里人陶侃捨地建

僧福開山明洪武初建環橋於寺前名福田橋成化間

僧道昌募建大殿萬歷二十九年重修郡人俞汝爲記

天啓元年增建萬佛閣

國朝康熙間里人孫百里建萬照堂陸鳴珂記乾隆四年

修嘉慶十一年孫氏重修有銀杏二株大百圍

度門寺 在十六保閔行鎮元至正二年僧水月建僧照

庵元白重修

國朝乾隆十二年修陳維城記

福田寺 在三十保元至正間僧壽建明嘉靖間里人王

熠建子圻書額徐璠有記

徐璠記略 嘉靖中醫學正王君熠因侍二親疾兩
目昏眩數日我爲親而替無憾也乃齋香武當倦而
少憩忽有神告諸夢曰汝近境原有福田庵乃吾行
宮也汝能葺之緩福不止明日王君歸而考庵之遺
址投牒有司捐已資及募集工材起於甲子
三月工將竣而日明子圻於是歲領鄉薦

小普陀禪院 在小南門外倉橋東時有僧自海外奉大

士像至創建明僧法空建淨業堂莫如忠書額

國朝康熙間僧普信重修乾隆十四年僧成逸築拈花堂

葉承書額嘉慶元年僧能忍建左右樓閣

潮音庵 在小東門外明嘉靖間陸文裕深淑人梅氏建

爲陸氏香火院今陸姓居之

松江府志

卷七十六 名蹟志

寺觀下

崇寧庵 在縣東南迴城備攷云宋徽宗封關帝爲崇寧

侯寺名本此明嘉靖間趙灼建天啓三年灼孫東曦修

國朝乾隆四十五年浙人張寬重修

長壽庵 在游擊署西張志云在海防道署西明隆慶元年僧德湛

創萬歷十二年建大殿

國朝康熙間僧瑩重修張錫懌記乾隆四十六年五十六

年重修

青蓮庵 在小演武場明顧氏露香園青蓮座遺址也隆

慶六年改爲庵潘允端書額

國朝嘉慶六年僧南亭募陳元錦建後殿

萬勝庵 在萬勝橋下明萬歷初王文炳建僧海宗開山
崇禎九年修

國朝順治間修王又汧記乾隆十四年重建嘉慶七年僧
信本重修外有知止亭

慈雲寺 在舊演武場卽沈香閣明萬歷年建邑人潘允
端督漕駐淮上時有沈香大士像從海浮至淮口乃奉
請以歸邑有水旱祈禱必應年久傾圯

國朝康熙間邑人曹垂燦修嘉慶六年巡道李廷敬率屬
捐建十年潘氏裔孫捐寺前餘地巡道鍾琦率屬增建
前殿十九年僧振錫募創大殿

松江府志 卷七十六 名蹟志 寺觀下

九華禪院 在縣東南明萬歷間建董其昌書額

國朝嘉慶三年僧耕山募修

萬壽庵 在南馬頭渡口明萬歷中僧智融建

國朝康熙間知縣史彩置放生池繞庵側嘉慶十四年僧
德基重建有記

翠竹庵 在法華寺東明萬歷間夏可立捐地倡建

國朝康熙間可立孫若時續捐地增建

顧孝子敏墓庵 在縣署西明嘉靖中曹氏建僧雪嶠顏
爲圓明

國朝康熙間修錢金甫記裔孫相時重修請遊

御苑名仍稱墓庵

普濟庵 明天啓間趙東曉孺人顧氏建

送子庵 在南門外明崇禎七年僧恆一建

國朝康熙十六年修蕭山毛奇齡有送子觀音記見西河
全集

觀音閣 在北城制勝臺上明嘉靖中建

國朝乾隆二十七年重建嘉慶八年僧上明募修

青龍庵 在小南門外明崇禎年建

國朝乾隆三十八年僧印一募修

等慈庵 浦東義渡爲行人憩息之所順治二年耆民張

松江府志 卷七十六 名蹟志 大 寺觀下

倫建里人卽祀倫於東側今廢井亭尚存

永慈庵 在吳衝涇渡口順治二年里民錢宏仁倡建以

憩往來間渡者

地藏庵 在城內順治七年僧中恆建乾隆四十八年巡

道盛保增建前殿嘉慶九年僧天倫募建後殿

甘露庵 在胡家行北康熙元年僧戒初建南北通衢爲

行人憩息之處

屏提庵 在城內康熙元年僧湛源建今其址并入萬壽

庵

鐸庵 在游擊署東舊爲張在簡園康熙元年曹垂燦等

改為庵九年邑人朱某請除西隙地元僧倉遺址為香火院
十九年知縣任辰旦建大悲閣今廢二十一年僧說募
長生田張錫懌有記嘉慶八年僧清仁募修十二年僧
慧道復修

曹垂璫鐸庵記略鐸庵本城西廢園因江右岸照
和尚駐錫余與越九俞子秋來為之編籬插種竹
栽蔬向者收禾彈雀今則暮鼓晨鐘犀照日昔昔化
和尚得法後不欲匡坐手持一鐸逢人向耳邊振之
故以鐸名庵

任辰旦大悲閣記略康熙十四年辰旦來知縣事
念同域婆娑罕能說法因出六年之俸期種三藐之
果此大悲閣之所由作也始於十九年季夏成於二
十年仲春是歲之夏史君彩來宰護持之功實攸賴
之釋元澤住持請余記

松江府志

卷七十六 名蹟志

寺觀下

一粟庵 在城內本徐氏荒圃康熙七年僧超愔置買建

庵邑人曹垂璫取金雞解銜一粒粟之義題額後知縣

任辰旦捐俸買陳氏河為放生池五十年餘姚徐本述

重修乾隆五十年僧觀成募修今邑人舉放生會於此

寧海禪院 在永興橋南本道觀舊名三官堂乾隆三十

六年改為僧寺增建內殿嘉慶八年增修

印月庵 里人郭允周建延行僧居之有秋潭梅龕諸勝

香雪林 在三十保行僧自覺募林棟別業改為禪室梅

花靜深自然法界

三昧庵 在小南門外演武場西北舊名茶亭乾隆三十

一年僧東巖募建嘉慶十四年僧南林募建大悲殿
報恩寺 在靜安寺東隅乾隆四十三年巡道盛保捐田
二十畝以資香火

小天竺 在縣治西本張鶚翼居舊址乾隆五十七年改
為庵嘉慶五年增建知縣湯燾有記

道觀

松江道院 在縣治東南祠真武神宋鹽監官祝聖之殿
後燬於火元至正二十年道士曾景元重建明洪武三
十年道士趙彝善重修嘉靖二年燬於雷

元董楷記略咸淳三年四月楷奉命分司松江
職之三曰循舊謁廟所謂真武祠者僅焚然一殿雖

松江府志

卷七十六 名蹟志

寺觀下

創置門廡梁棟露立日暴雨淋漓將就圯毀於松
江場與標標日此星流電繞之旦臣子所以仰祝萬
壽之地標與前分司劉潛經營建造羽流庸闕點吏
舞而侵漁迄輟工不可不究也乃相與謀度至次年
三月始領瓦甍且作兩廡費不貲又次年正月設
門楹續兩廡二月悉備深嚴整潔為一勝處其費多
出於標標之儀真武乃北方元武神不應有像貌之
瞻有衣服之儀有旂幟之飾有符籙之章有徒御之
靈惟尊君之義乃率土所同而不可一日不明者故
在物猶有葵藿之傾心在民則有華封之祝言況乎
委質為臣子者乎洪惟東朝以柔雍正淑左右先皇
定策不搖丕又海宇皇上臨御以來仰承德澤請謁
彭善去邪恭天仁民協氣周流休德浹洽微臣等獲
依日月之末光以展采錯事慶幸無極如南山之壽
如松柏之茂天保所以祝其上也此微臣等所以營
建之志也驅一世之民躋之仁壽之域又餘澤所
必至也若為極為費之目細事也故不書

正陽道院 在縣治東南祀呂祖仙師宋景祐四年建元

至正中潘守真增建俗呼水仙宮明嘉靖間重修

國朝乾隆開建三清殿並前後院改名真一禪院嘉慶十

五年定制以仙師入祀典巡道鍾琦知縣王大同改建

大門及內外殿宇有記

瓶山道院 在十八保明洪武開沈子文建永樂元年道

士項子通修前志云晉袁崧犒軍長人鄉酒罄聚瓶爲

山後人尙有於此地得瓶者

國朝乾隆二十年重修趙駿烈有記院外有天移井

崇福道院 在三林塘宋宣和元年賜額明嘉靖間重建

仁濟道院 在吳會鎮元至元間里人王氏建至正初韓

松江府志

卷七十六 名蹟志

寺觀下

日新重修

保和道院 在烏泥涇元至元壬辰鄉長者趙如珪建

洞真道院 在烏泥涇見梧溪集

東華道院 在白柵內康熙間浙人徐本述建乾隆四年

重建邑人金應元有記

春申道院 在橫濱東岸奉楚相春申君像知縣褚菊書

修有記

紫霞閣 在縣治西南隅舊名蕊珠閣又名小蓬萊康熙

五年徐垣英等建乾隆二年吳式士等重修五十六年

復修知縣汪廷昉有記

斗姆閣 在城隍廟西康熙十年張錫懌曹垂琛曹垂玘

倡捐道士蔡元益同募建嘉慶十年瞿松心重建

三官堂 在小南門內永興橋左中有銀杏一株闔邑風

水攸關嘉慶八年增建

雷祖殿 在城東北隅丹鳳樓下乾隆四十一年道士陸

丹書募建

蕊珠宮 在小蓬萊南卽也是園乾隆五十五年改建嘉

慶五年巡道李廷敬倡建斗閣吳錫麒記

南匯縣

永定講寺 在周浦鎮宋淳熙間趙宮使捨宅建僧恩法

松江府志

卷七十六 名蹟志

寺觀下

華開山十四年賜額永定禪院明洪武中改今額成化

間里人趙博等修觀音堂建金剛殿郁文博有記嘉靖

中燬

國朝順治丙申里民張彥聖助建萬佛閣於舊址康熙辛

酉僧曇英募修山門里人朱源夏潤等塑文昌關帝像

於佛閣爲文社地乾隆癸巳丁未再修寺東南隅銀杏

一株爲宋時物

元釋行中藏經記略 有爲天台之教者妙智師主
松江永定之八年爲至正甲子新作藏殿成而度經
之藏未具間嘉禾廢寺日妙智其輪藏獨存購致之
視其識乃宋端平甲午建也先是里人濮仁甫憫其
寺廢購其藏之經奉於家且與妻沈誓曰苟得其藏
者以是經歸之既聞師得藏而或沮師乃請觀音氏

求之沈忽夢一僧指其胸曰何忘施經之誓耶乃悔
悟以經歸永定嗚呼異哉向之寺名與師名適同向
之建藏之歲與師得之歲又同何其符若是耶得
非師宏經之志未與乘願輪以復來耶而與流能
護是經卒復原藏其亦宿為法中人乎是藏也經
也其始離析一旦完復夫豈無其故哉雖然有作幻
實相則天地一藏萬物一經也若是則離歷劫而證
運無間則何古今成壞之足議哉師而師之友日本
國朝朱錦承定寺重建佛閣記略寺創宋淳熙間其時
題額皆出御賜明嘉靖中島夷闖入內地而寺之佛
閣遂廢於兵順治十三年有善信張彥聖慨然以興
復為己任於是信施填委版築雲集此閣儼然遂與
雲霄之表蔚然招提勝境余嘗同家弟鍾侍先太史
讀書其中時則象教中衰法筵未改竺墳焚夾與商
歌雅誦之聲互相響答忽忽廿餘年夢我存身之痛
交作於心今陸沈金馬每一朔迴未嘗不置身於鐘
也故為記

松江府志

卷七十六 名蹟志

寺觀下

孔衛詩 鹿苑經行日清幽樞素心風前仙梵舉花
外寺鐘深得句參蓮座論交傲竹林陶潛偏嗜酒乘
月坐 宵沈

永寧教寺

在新場鎮元至元間邑人瞿霽發建僧允恭

開山名報恩懺院有鐵佛高尺餘相好殊特建院時得

之土中中峯和尚為之銘明洪武中改今額

元方回院記略 佛廬偏天下莫盛於蘇杭秀水之
開鶴沙距松江僅三舍地接海濱古昔居民亦鮮伽
藍則未之有也豐氏自宋建炎間徙居於此有積善
慕義之風逮今財賦提舉公震發與其兄兩浙運使
公霆發慨然以為非伽藍無以營善而聞道乃卜地
之發地得鐵佛一軀見者驚異瑞應也尋而材與
匠稱心與力作凡伽藍所宜有者悉備焉迎請淨行
沙門晝夜頂禮散花深味禪觀幡幢像設華飾清梵
光明照映金碧交錯宜流法音互為佛事運使公喜

其有成遂亦撥腴田若干畝助伏臘以報恩懺院為
額復聞於朝成宗皇帝賜旨護持實大德成戊戌也凡
住持虛席聽其家遠素有道行僧居之闕十有四年
至大辛亥亥住持崇義慨懷棟宇之未備欲建大閣檀
悅從選材命工倚崇義漢設四方三聖紺容至法華
二十八品環擁壁間惟普賢願王儼居於右上方奉
毘盧藏五千餘軸提舉公屬子為記余謂以報恩為
名何也曰思莫大於君親報莫過於導物指迷莫不崇
以斯道報觀斯思不亦善乎余曰乘一心為禪萬法
為觀其為心也圓湛虛寂涉入無礙舒之則萬法即
散而彰卷之則萬法依之而泯即斯妙觀於一切時
散作無邊莊嚴佛事以之報國恩則聖祚保無疆之
承以之報親恩則劬勞超有漏之纏凡有纖思無往
不報報恩功德亦相須而無盡焉趙孟頫書
以為記泰定乙丑二月初四日趙孟頫書

大聖教寺

在十七保宋紹興間有異鳥止於郊鄉人疑

為鳳凰曰鳳凰非寶地不止遂發地得泗州僧伽像僧

松江府志

卷七十六 名蹟志

寺觀下

思修因建寺隆興二年請額後廢明初即普淨院勝今
額攷元末顧邦憲字志德為提點避居海濱至正年已
額重建大聖寺寺成棄家為僧沒後寺僧塑像於天王
閣今寺旁顧氏子孫繁衍

崇慶教寺

在二十保北蔡鎮宋嘉定元年邑人蔡功建

明嘉靖間燬

國朝康熙初重建

長壽寺

在二十一保宋寶祐中忠翊郎潘德剛建乾道

中僧如行開山元至治間楊載撰碑趙孟頫書額後燬

明成化間僧惠瑛重建萬歷中住持秉科增修蔡懋昭

記崇禎時李待問書額

國朝康熙二十三年修潘衫舖記三十五年重修

蔡懋昭記略 海上固多名利長壽其一也相傳宋乾道中遊僧如行飛錫開山元至治間知浮梁州事楊仲宏載撰碑記趙文敏孟類纂較建碑額亡何宇內鼎沸寺煨成化改元慈水禪師惠瑛建草萊披沙礫創結草庵維時工部談侍郎光祿少卿先捐貲為倡遠近檀越施捨乃建法堂三楹續建大雄寶殿一座方丈迴廊增設於門前金剛大像作層樓縣巨鳩材葺法堂寶殿作山門塑金剛大像作層樓縣巨鐘作重室備結界作周垣嚴出入經始嘉靖癸亥秋仲訖工於萬曆庚辰春孟元王逢題鵲坡長壽寺詩 招提誰建鵲坡陽寶祐年聞忠訓郎將種久歸農版籍佛燈長似日容光六時螺與朝音壯滿目烏鸛野色荒老我願為僧一日盡招新鬼上慈航

雷音寺 在新場鎮舊為神霄雷壇元至順間道士邵希

陽建明陸深書記後改僧舍乾隆五十年僧清惠募修

松江府志

卷七十六

名蹟志

寺觀下

南山禪寺

在新場鎮市南元大德十年僧照建名常寂庵

庵

國朝順治初僧九如重修易今名

崇福庵

在魯家匯西宋天聖元年建俗呼草庵張之象

題額明天啓四年僧靜淵重修

普福禪院

宋時建俗呼蔣達廟

潮音禪院

在十九保元至元間邑人羅仲賢建僧性開

山一名轉藏殿

國朝乾隆五十二年重修

方廣庵

在周浦鎮袁松鄰其右梵舍清幽庵南羅漢

松蒼幹虬枝為二三百喬木

吳龍庵

在周浦鎮東南隅

碧霞庵

在周浦鎮明孔穆建太守方岳貢舉周永泰講鄉約於此有杜士全方公祠記張元始書

寶鏡庵

在航頭鎮東明崇禎間僧幻棲建茂林修竹清流周市刺史王承庚讀書處

天竺庵

在張江柵鎮里人沈虹文沈麟瑞倡建萬應文

捐田七畝以資香火

道觀

鶴坡道院

在鶴坡宋潘德剛建

松江府志

卷七十六

名蹟志

寺觀下

王逢登鶴坡道院寥陽閣詩 咸淳地闊聲寥陽丹碧瞻瞻照下方海嶽夜朝笙鶴駕星辰日待袞龍章太清三境何高爽九有黃埃若混茫樓蟻小臣身草澤寸心徒繫五雲旁

青浦縣

敕賜吉雲禪寺

在青龍鎮本隆福教寺初名報德唐天寶年建中有寶塔長慶年建前即昇仙臺宋大中祥符間有暢法華駐錫寺中日誦法華年八十化去僧澤隨瘞靈骨於寺門之左建石塔以識之天台了空大師浩宏撰行業記元大德三年主僧普善募宣慰任仁發重修明季傾頽殆盡崇禎十七年邑人朱明鏡重修寶塔

國朝順治五年僧百愚住持法緣湊合興構一新復成寶

利康熙五十二年僧智暹繼席恭遇

聖祖仁皇帝南巡行幸松江

賜改今名

御書精嚴壽相額又

欽賜僧暹水晶觀音一尊紫衣一襲護花畫扇一柄敬謹

供奉大殿中乾隆三十九年蔣浦徐葵建文覺堂澄懷

堂東廡地藏殿

宋僧賜法華行業記略 會賜法華詢寺者舊本闕
中姓陳氏因游江浙寓秀州隆福寺大中祥符間早
世稟性質直而通經為業日誦妙法蓮花經或一部
或兩部夜禮兜率天宮彌勒菩薩或三百拜或二百
拜以日繫月自強不息寓此約三十餘載始終一貫
其或體羸氣劣遇酒般處不問親疏我所嗜者則餐

松江府志

卷七十六

名蹟志

寺

寺觀下

之可水蕩口誦經復初及康寧則過中人或與物乃
云佛制枝葉花果不許入口至六十五歲夢登一閣
有異人謂師曰此是兜率天宮師壽止七十五歲當
來此居暢稽首我願八十歲所誦經方滿二萬部翼
日索筆大寫夢中事於壁由是愈加持誦經數既滿
師壽八十矣冬夜澡浴更衣待旦賀正至半夜坐滅
居人顏利粗大五色然餘中飛進疊於草樹自體柔色
紅舍利相至天聖末二十餘載靈骨在焉僧固由是
後從詳符至天聖末二十餘載靈骨在焉僧固由是
得片骨於殿中舍利資生遂以火試鏗然堅固由是
作石函盛之門之左建石塔以識之今法孫子來
上八自天聖末止今嘉祐又經三十載知先祖法華
德善懼其湮沒請予直書以備僧史俾希風慕化者
思齊焉嘉祐七年壬寅歲正月日杭州梵天寺上方
傳天台教賜紫了
空大師法宏撰
元楊維禎重修寶塔并復田記略 青龍鎮之南寺
曰隆福創於唐天寶間寶塔七級造於長慶間重修
於宋慶曆間二百餘年風雨之所經兵燹之所更土
木殆不支矣主僧普善覽其敗頽斷礎愴然發宏願

白於里之大族宣慰使任公仁發捐資重建實大德
三年也致和元年公之子賢德繼厥志至正三年公
之孫士質復述其事而繕構之餘力及於大佛殿東西
兩廡皆撤而一新又為復其所失田三十頃而寺之
觀稍復舊鄉士元來請予

國朝王原記 隆福寺在青龍港上寺建自善天寶中自
宋迄元興廢不一明末頽敗殆盡

本朝順治初百愚禪師披榛重建屹成巨觀嗣後居者屢
易閱六七十年又日就傾壞康熙末年百愚裔孫獅

吼來居力耕贍衆興舉廢墜漸有起色會師公省親
赴淮為遊僧強據數月蕩費無存及遊僧遂去而獅

公復還補直又一年元氣漸復乃舉源清自代以
今上二年正月入寺至即興修大殿不期示寂仍以

賞百金屬其徒畢又續修大殿不期示寂仍以
大鐘其徒以成事告請勒石置之大殿壁間因質書

其事以告嗣席者俾勿忘源公之功云爾源清名行
函本邑人都寺行正監院福緣知客宗蘭所屬各工

殿工者也監修新涇司巡檢承康徐惠昌領修各工

松江府志

卷七十六

名蹟志

寺

寺觀下

匠作俞文龍
也例得皆書
沈盤登青龍塔詩 峻嶒龍藏俯平臯倚倚寒空攬
布袍望裏幾家仍避地秋來無日不登高晴霞欲散
諸峯色極浦新添八月濤縹緲
仙蹤何處是好憑天際聽雲飛

隆平寺 在青龍鎮原名國清院寺有米元章所書經藏

記唐長慶元年建宋太平興國中僧寶重修明嘉靖中

改為新縣城隍廟後移縣唐行欲遷之不果有寶塔今

廢

宋隆平寺藏經記 青龍鎮瞰松江上據滬濱之口
島夷閩粵交廣之塗所自出風橋浪船朝夕上下富
商巨賈豪宗石姓之所會其事佛尤謹方其行者踴
風濤萬里之虞休生死一時之命居者歲時祈禱吉
川萬衛非佛無以自恃也故其重楹殿觀難難相望
鼓鐘梵唄聲不絕頃寺之隸鎮者三街隆平藏經末

松江府志

卷七十六

名蹟志

寺觀下

備治平四年邑人陳守通乃始出泉購書而棲經無所沙門道常即法堂舊構合衆力植巨軸貫兩輪而納壓五百倣雙林善慧之制藏所謂五千四百八十八卷者始熙寧五年之季秋成六年之孟春而松漆繪事所以爲莊嚴者垂十年功不克就元豐四年曹侯永逸王侯景琮之來也憫其垂成僅廢因籍藏之所入發其端更其徒行清主之未幾城邑區聚由虛遠而下凡十人不謀而赴隨力之厚薄皆有以相其事規模法象卽其書皆相合高下度數按其體皆可考表二丈有二三其崇加三上爲諸天宮者八下爲鐵圍山者二承以藻閣覆以重簷八瓠竿竿方壓鱗比雲蓋雨華繽紛蒙蔽法從導衛循繞環而翼以天神挾以力士闌拱樂器備極扶柱皆雕鏤刻琢金錯采材致其良工盡其巧靡麗侈富言不能既而見者知焉經之費凡三百萬材之費者十之二工之費者十之三髹漆之費者十之四塗績之費者十之五越明年元朔合黑白二衆落成之左旋右轉聲徹鏡鼓觀者爲之目眩聞者爲之耳徹於是人知方等一乘圓宗十地之爲可依也始如來以一大因緣出見於世曲徇根器巧說譬喻最後乃云四十九年未嘗以一字

松江府志

卷七十六

名蹟志

寺觀下

越速如反掌可不慕乎與人然之遂於隆平精舍建塔七層高矗雲霄自杭蘇湖常等州月日而至福建漳泉明越溫台等州歲二三至廣南日本新羅歲或一至人樂斯土地無空閒衣冠名儒禮樂揖讓人皆習尚以爲風流文物之地朝廷問之曰酒稅之利獄訟之清宜在得人不可以不慎自景祐至今皆京寺清供兼以治人今歲大稔遠商并來塔成無記歲月勝波將爲後人之議靈鑑始受縣符來茲傳道衆乃可辭以紀其實自惟空示是習辭婉不文乃挾鄙思謹爲銘曰聖帝無爲慈不以威民樂太平起塔巍巍上入碧空下狀鐵圍煙雲霧露出入戶扉中藏舍利四衆焉依莊嚴國界佛日增輝厥初未建市井人稀潮漲海通商今來歸異貨盈衢人無餒飢刻石爲銘以贊幽微億萬斯年永鎮江圻嘉祐七年十二月

勝果寺 在青龍鎮有沈光碑紹聖中呂益柔撰妙悟大師希最學天台教緇林號曰義虎後居勝果寺僧房有鬼物爲祟最爲講說於空中得朱書數十字自稱漢朝

烈士沈光大略悔過謝罪之語事頗近怪故不詳載

宋呂益柔記略 妙悟大師希最說法勝果寺道俗畏而愛之號爲義虎有祟自稱沈光者其徒懺解度生他化元祐庚午示寂茶毘其徒寶覺思元惠軫求文以記余爲之歎曰昔嘗讀高僧傳至法蘭精求經典山中神祇皆來受法入謂德被精靈竊疑其誕及視此則知佛慧神通足以斥陰妖之靈靈竊疑其誕及沈魂明暗兩途各獲安和利夫怪者聖人所不語然嘗謂敬鬼神而遠之又曰幽則有鬼神是豈以鬼神爲無哉今沈光變見顯赫若此則凡包禍心以欺諸幽者得不聞是而懼乎此余所以雖怪而必書也爲之銘曰禪律雖殊歸則同揆冰洋雪消俱成一水師之持律古佛是擬聞思惟修小不踰咫講明妙教名流服膺解破幽障沈魂獲升利物既足坐躋上乘慧績若此宜以銘

布金禪寺 在大盈唐太和二年建 願志作 本法雲禪院

治平元年易今額紹興開復爲禪院寺佛殿鐘樓法堂

歷宣和建炎淳祐始備郡武弁顏霸孫曹諸人實相之

元至元間僧性井重修有巨釜浮江而至為郡勝蹟

宋陳舜俞經藏記 布金院去邑七十里上有上人曰清己者其行淳白善護其法所謂慈惠精進者歲既久間里莫不嚮焉邑人顏氏子乃首施錢二百萬書其凡所藏經又相與營大屋為輪而環積之其後工未就於是人無遠近爭投以財越三年而告成由以文木襲以綈錦載以華輪暇以藻閣繚以朱貝負以蚌龍覆以隆厦周以廣廡方琢圓磨明怪幽巧塗金開碧嚴飾雜繪總用錢千萬前後施者略數百人煥乎盛哉夫西方之書生滅之謂性迹有去住性無前後無窮周流之謂迹無窮之謂性迹有去住性無前後萬物見義莫妙乎輪輪之名有二一曰法輪佛之所乘也智慧解脫以動之戒定悲忍以行之小而入乎微塵而有餘大而御乎虛空而不能容擬諸形容而莫之能名法輪也其二曰苦輪衆生之所乘也動之以煩惱貪著行之以真亂罪害上驅乎天中馳乎人下轉乎地散而入乎鬼神之都禽獸之鄉而莫知其

松江府志

卷七十六

名蹟志

寺觀下

普門教寺

在盤龍去縣五十里唐大中十二年吳人陸

素建本名觀音院祥符元年賜今額寺有石天王像舊

傳因大水漂至今多禱之嘉靖中倭寇焚掠寺毀

國朝里人陳瞻甫建中殿又與僧嚴崖葺後屋數椽為栖

息處乾隆二十年復募建前殿

福善院

在趙屯梁貞明六年僧智道立精舍石晉天福

二年賜名尊聖院宋大中祥符元年改賜今額

宋呂諤福善寺鐘樓記略 昔黃帝命伶倫氏鑄十二器蓋鐘之始也召從律之氣揚治世之音上與和於天地下協贊於神人暨西域聖人化寢中國海貯真教星羅萬古於袍之士佛肆之開亦建鐘焉大者數萬斤小者數千斤或謂振豐隆之響鼓鑄錫之聲警六和之衆息三塗之苦天下之人信服斯語悉務捐施曾無間然矣福善院屬秀州華亭縣之西北隅內熏蒲之陽為梁貞明六年之所建舊曰尊勝皇宋大中祥符元年肇錫新額斯院也臺殿輪奐廊廡完備象設孔嚴網羅徒櫛比惟鐘闕如院主沙門遇來大誦幼覽塵網素演三書內行醇明外貌芳潤忽一月為我晨昏之號令耶遂命郭郭子紹誼與書宿僧德成歷冒風霜徧訪信龍西董仁厚欣然樂善首施淨財三十萬緡是近者遠者靡不悅隨天禧四年冬十月諤乃抵郡薦狀乞聞天庭詔下許輸錢易銅以鑄斯器明年值洪水方割下民昏墊亟就茲緣時不我與泊天聖二年歲之豐和俗稍蘇息諤復率衆

松江府志

卷七十六

名蹟志

寺觀下

聚財載聞郡政乃命青龍鎮巡檢侍禁太原王公繼斌而鑄之公芳猷蘭秘峻節霜明幹局有聞從事無曠十二月己巳烏氏設良冶而鍛鍊焉境邑士女觀者如堵銅既山積火亦煙熾洪爐啓而祝融奮怒巨橐扇而飛廉借力凝煎沸謂翕赫霄壤俄而煙飛談歇豁然而度華鐘告成厥功斯就揭珍臺而彌奠發鯨杵而大鳴激越人天聲聞遐邇不柰不鬱不極不究匪獨導我之真侶抑亦聰彼之羣聾縱使漢宮千石感崩山而發秀豐岫萬鈞應嚴霜而振響豈得同日而語乎諤丁制滁陽退居江左承命敘事年讓弗違謹直書其實云耳時皇宋天聖三年二月十五日記

七寶教寺

在七寶鎮初名福壽在陸寶山本陸氏香火

祠俗名六寶庵既徙吳松之曲吳越王賜以金字藏經曰此亦一寶也遂改今名後因吳松潮壞三徙至此而鎮亦以寺得名宋初張澤捨宅拓寺僧信協力重建大

中祥符元年請額寺有五代時檜及羅漢松今檜亡而松尚存明萬歷十三年徐三重重建僧承業修大殿石

橋為中香花橋左右為東西香花橋

宋趙孟頫詩 探奇來寶地名刹冠叢林院設機雲
代經描吳越金霜鐘清繞鶴池竹綠浮琴投紋堪元
論桃源

明姚道元詩 翠微深處啓禪扉僧坐雲中補衲衣
洗鉢澄潭龍臥起散花珠席鳥驚飛空連高閣鐘聲
寂日落長廊樹影稀幾度攢眉投白社心期不與遠公違

普照教院 本奈山東庵宋治平二年賜額寺本聰道人

居元末燬於兵明永樂中僧堅智重建嘉靖三十九年

僧月澤重修

松江府志

卷七十六

名蹟志

寺觀下

國朝陸振芬修康熙二十一年王駿聲重修

宋許尚詩 地脈風雷吼人疑涌海潮將軍英爽在
何物敢興妖

月軒

宋聰道人自題 軒前轉轡轉冰盤軒裏詩成徹骨
寒多少人來看明月誰知倒被月明看

朱伯虎詩 愛月開軒絕頂間
除羣卉當檐盡添得清光滿檻看亂石雲堆秋色冷

虎樹亭

見古蹟

惠日院 本奈山中庵宋太平興國中僧宏慶建治平二

年賜額元季兵燬明萬歷中少師徐文貞尚書陸平泉

倡緣重建袁太冲林宏齋助成之寺徑逶迤清陰蒼翠

鐘聲出白雲修竹閒為九峯名刹董其昌記寺左有洗

心泉

明徐階奉世宗賜號付僧圓寶藏鎮山門詩 單衣
露冷宿雲華誤結宮袍傍帝車拈向山門君莫笑細
看還是舊袈裟

屠隆詩 危石壓空橫青苔積古邱鳥啼山路暝花
落寺門幽雲氣含孤日風聲帶淺流欲知塵外事還
向靜中求

宣妙講寺 本奈山西庵宋治平二年賜額明正統六年

越僧虛白堅及其徒宗昇洪慧等相繼興建錢溥記

宋許尚西庵詩 早為儒冠誤齋心學三軌而今林
下塔夜夜飛光圓
劉孝題題奈山宣妙寺詩 水定浮春岫鴉盤落遠
林上方鐘送夕隱几興何深

松江府志

卷七十六

名蹟志

寺觀下

元王逢詩 鐘鳴林采曙衣冷山氣夕時復煮茶香
煙籠半檐白 松風琴虛蕊雲磴展落齒坐來木榻
穿繡香

明陸郊宣妙寺聽琴詩 祇樹談經罷搖琴手自揮
響疑和梵語清轉助禪機絕壑疎泉度空山急雨飛
塵心坐自遣
從此得飯依

昭慶禪寺 本宋慈雲昭慶禪院紹熙二年馬嶠禪師法

寧建元季燬明洪武二十四年僧德智重建永樂十二

年僧智與古庵郭公募建觀音藏經殿并兩廊又募銅

鑄鐘垂成而智示寂遂密藏之正統七年僧法雲發舊

藏以成雲又與其徒募建鐘樓錢溥有記天順中建毘

盧閣贊其成者邑人富林曹廷獻也寺有金沙地芥子